

550

滬甯鐵路最近之調查



287303

上海图书馆藏书



A541 212 0015 2334B

光緒三十二年歲次丙午

# 滬甯鐵路最近之調查



上海商務印書館代印



1538630

滬甯鐵路最近之調查

江蘇全省鐵路之幹綫。南則滬甯。北則津鎮。曩者滬甯鐵路之事。僅僅易一督辦大臣。與江蘇人最初發議。繫鈴解鈴。收回自辦之命意。既迥不相謀。今者唐侍郎接辦已半載。於續賣小票之舉。既峻拒在前。劃回地價之款。復籌商在後。我蘇省父老諸鄉先生。念鐵路公司之成立。經營締構。爲桑榆之收。固可喜。念蘇省鐵路基礎。若何而穩固。氣脉。若何而貫輸。則滬甯鐵路一日不收。回則我蘇人無一日可弛之負擔。則又可懼也。顧收回之說。在去秋力爭時。工程尙未及半。又切望繫鈴解鈴之。或有其人。今則時事俱已變遷。幾無不俯首帖耳。於十二年半收回之說。惟購地一款。按照合同。可隨時收回。我父老諸鄉先生思之。我蘇省人縱不得爲滬甯鐵路之股東。甯不得爲滬甯鐵路之地主乎。地主者股東之一部分。規畫滬甯鐵路之起點。亦卽我蘇省鐵路基礎之所樹立。而氣脉之所倚伏也。試以最近之調查。爲我父老諸鄉先生一一商榷之。今夏四月。吳閣學郁生奏滬甯鐵路請飭另籌接濟。以免續借受虧一摺。又商部戶部會奏議覆一摺。曾一見報紙。又

唐侍郎簽注吳閣學原摺說帖。及鐵路末次估單。暨出售小票情形。恐諸公尙有未悉底蘊者。茲將各文件鈔錄如下。

內閣學士吳郁生奏滬甯鐵路用款過鉅請另籌接濟以免續借受虧摺  
奏爲滬甯鐵路用款過鉅請 飭下部臣另籌接濟以免續借受虧恭摺仰  
祈 聖鑒事。竊維滬甯鐵路由英國銀公司要求承造。經前工部侍郎盛  
宣懷與之訂立合同。以長不逾六百中里之路。工而預備借款至三百五十  
萬磅之鉅。估價過多。必致浮濫。自合同宣布後。遠近駭然。上年蘇省同鄉京  
官迭次陳奏。以核減路本。並責令盛宣懷截至一百二十五萬磅小票爲請。  
欽奉 嚴旨改派唐紹儀妥籌辦理。仰見 朝廷眷顧東南。慎重路政  
之至意。唐紹儀向稱廉幹。宜如何督飭在工員司。嚴杜虛糜。以副 恩命。  
近聞滬甯工程師來京。又以工款不敷。有商議續售小票七十萬磅之說。此  
項路工。卽就業經借之二百五十萬磅。儘數開支。每一中里。約合銀三萬兩。  
以上。視他路成本。浮逾兩倍。公家受虧已多。今若徇工程師之請。再借巨款。

是唐紹儀接辦以來。於盛宣懷失算之處。並無補救之方。難逃聖明洞鑒。臣愚以爲借款造路。既經訂有合同。果能按照合同所載。切實辦理。亦尙可稍資鈐束。查合同第四款。內開在英國用出各帳。以及匯交中國工程所用各帳。均應按三箇月爲一次。呈繳總管理處覆核。稟明督辦大臣覆准簽字。方能作准。並咨外務部戶部統轄鐵路礦務總局存案等語。今滬甯路工尙未及半。而二百五十萬鎊之借款。已將告罄。究竟自興工以後。曾否將一切用款。按三箇月開報一次。核准有案。局外毫無聞知。而督辦大臣有稽核之權。商部統轄路事。亦有攷查之責。皆不應置之不問。此鈎勒已借支出之款。可以按照合同辦理者一也。又查合同第五款。內開其第二次以及下餘各次小票。於未發售之先。銀公司須預先知照中國出使駐英大臣。俾中國國家。遇有款項。可以撥交總公司。歸入鐵路帳內。與售小票之借款。一律支用。如中國國家。果有撥款。則三百二十五萬鎊之數。卽照撥款若干扣減等語。今滬甯路工。如果鈎勒以後。明知從前虛糜之款。無可挽回。而估計全路

聖明洞

告成爲止。實係不敷若干。亟應自行籌撥。萬不可再令銀公司出售小票。致以九扣虛數。受人盤剝。此自籌待用不敷之款。可以按照合同辦理者二也。至款之從何籌撥。臣猶有說。從前蘆漢鐵路開辦之初。由戶部撥借官款銀九百餘萬兩。除淞滬萍醴兩路挪用外。計蘆保一段。工費五百六十餘萬兩。全係動用官款。現歸京漢一路統轄。應請飭下商部戶部就京漢行車餘利項下。指撥銀二百萬兩。即於應交官款息銀內。分年攤扯。又萍醴鐵路。盛宣懷爲萍鄉運煤之用。私挪蘆漢官款修造。上年滬甯動工時。於銀公司借款內提撥一百萬兩。作爲歸還淞滬造路之工價。卽以此款一併挪用於萍醴。約計亦當在二百萬兩內外。夫萍鄉煤礦。本係商辦。近來煤價增昂。以運費供養路之用。必有盈餘。若此路歸併商辦。最爲名正言順。應責成商部戶部於一年之內。將萍醴招商接辦。卽以官款撥歸滬甯。不得遲延貽誤。是滬甯旣得四百萬兩公款接濟。一面仍由唐紹儀督飭總管理處撙節動支。以昭核實。藉酌盈劑虛之計。爲補偏救弊之謀。較之續借公司鈔款。旣有九折。

又有。鎊。價。上。下。匯。兌。往。來。種。種。虧。耗。利。權。外。溢。相。去。奚。啻。天。壤。微。臣。籍。隸。江。蘇。深。維。路。事。關。係。重。大。合。無。仰。懇。天。恩。飭。下。部。臣。通。盤。籌。算。奏。明。辦。理。所。有。滬。甯。用。款。過。鉅。擬。請。另。行。籌。撥。以。免。續。借。受。虧。緣。由。是。否。有。當。伏。乞。皇。太。后。皇。上。聖。鑒。訓。示。謹。奏。

商部戶部會奏議覆吳郁生奏籌款接濟滬甯鐵路摺

奏爲遵旨會議具奏恭摺仰祈聖鑒事竊臣部於光緒三十一年

四月二十八日准軍機處片交內閣學士兼禮部侍郎銜吳郁生奏滬甯鐵路用款過鉅請飭另籌接濟以免續借受虧一摺奉旨商部戶部議奏

欽此。欽遵到部。(中略)商部查此案。先於本年四月二十五日准辦理滬甯鐵路大臣唐紹儀函稱。鐵路添售小票一事。銀公司代表濮蘭德。總工程師格林森。於四月初旬來京。連日磋商。據末次開來清單。實不敷英金六十七萬鎊有奇。內除去購地款十萬鎊。由江蘇紳民代籌。或另行自籌外。實不敷五十七萬鎊有奇。除去加增回息。實約五十五萬鎊。請核定示復等因。臣部

正在核辦間。適准軍機處片交吳郁生奏稱前因。并續據唐紹儀致臣部函稱。此事迭據銀公司代表濮蘭德再三爭辯。曉曉不已。業經曲爲解諭。杜絕其冀幸之私。現在續借款一節。銀公司業已緘默。并稱現在存款數目。倫敦存款。截至本年西二月底。存英金六十五萬餘鎊。存上海通商匯豐兩銀行。暨各錢莊銀二百八十餘萬兩。各等語。臣等伏查滬甯鐵路。路邇債重。權利不免外溢。業經臣部於上年十月間詳晰奏明在案。目下添售小票一節。雖據唐紹儀函稱銀公司業已緘默。而存款之數。日後是否敷用。一時殊難懸揣。惟按照原訂合同所載。在英國用出各帳。以及匯交中國所用各帳。均應三箇月一次呈繳總管理處覆核。稟明督辦大臣覆准簽字。方能作准。并轉咨外務部戶部統轄鐵路礦務局存案各等語。原以藉資鈐束。收內外相維之益。業經臣部於上年三四月間。將滬甯借款過鉅之弊。迭次咨詢盛宣懷在案。而路工自光緒二十九年開辦後。復由臣部文電咨詢盛宣懷。既從未具報。唐紹儀接辦以來。亦尙未及核准帳冊。咨報到部。現在路工已築若干。



行車收款積存若干。計全路告成。是否實有不敷。臣部既均無卷冊可查。礙難懸斷。應請飭下辦理滬甯鐵路大臣唐紹儀。詳晰聲明。此路公家受虧太鉅。究竟補救之方。從何入手。現在各款能否設法節省。就此鈎勒。不再續借。通盤籌畫。自行奏明。請旨辦理。臣部綜核路政。全賴管路大臣將工料等差。款項出入。切實報告。俾得隨事稽核。以收互相維繫之效。若所報未能詳盡。臣部欲施整理之方。亦苦無從着手。應請飭下唐紹儀查照。臣部歷次奏咨案件。隨時具報。至所用款項。應先報明。臣部核准立案。方准開支。其唐紹儀接收以前。盛宣懷經手開支各款。責有攸歸。亦應由盛宣懷趕速詳細報部。以重公款。至萍醴鐵路。前由盛宣懷於京漢官款內支撥建造。業由臣等以盛宣懷事前并未奏明立案。礙難核銷等因。於上年九月間奏明在案。此路係動用官款修築。應再由臣部行催盛宣懷將一切款目案由詳晰具復。再行奏明核辦。原奏所稱招商接辦。撥歸官款一節。應毋庸議。又原奏所稱指撥京漢行車餘利二百萬兩。卽於應交官款息銀內分年攤扣一節。戶

部查京漢行車餘利。應繳官款息銀。前因臣部籌款艱難。咨行督辦鐵路大臣唐紹儀。商訂交息辦法。以爲將來撥用之需。且滬甯路款。既據唐紹儀二次函稱。倫敦尙存英金六十五萬鎊。上海各銀號錢莊尙存銀二百八十餘萬兩。是存款尙鉅。不惟不應再借洋款。更可無須動撥官項。所請指撥京漢行車餘利。礙難照准。所有臣等遵旨會議緣由。理合恭摺具陳。伏乞

皇太后

皇上聖鑒訓示。再此摺係由商部主稿。會同戶部辦理。合并陳明。謹

奏。閏四月十三日奉

旨依議

唐侍郎簽注吳閣學原摺說帖

原摺滬甯工程司來京商議續售小票七十萬鎊一節

查此事三月初旬。總工程司交出全路估單。洋帳房又交出估計費用一覽表。銀公司即聲言須續借一百萬鎊。卽經電飭鍾道文耀沈道敦和王道勳等。面駁函駁。往復核算。積牘逾尺。照鍾道等所擬。除自籌購地款十萬鎊外。約計不敷二十萬鎊左右。所議未就。銀公司代表濮蘭德。總工程司格林森。

來京會商。聲明近接倫敦銀公司電復加喇道木一款。經 盛大臣核准。全路鋼軌定購後。再事退回。吃虧更甚等語。此二節似難再翻。先後與格林森會議四次。乃呈出減爲二百萬七千鎊估單。合計進出各款。約不敷五十五萬鎊。此兩單已鈔呈大部。在銀公司覲覩。續借自有增重成本之心。本大臣。甚後懲前。斷不存曲徇外人之見。惟是核減估單。祇在刪除不急工程。改用他項材料兩事。可以預爲剔減。至於原估單二百萬七千鎊。仍係懸空擬議之數。並非完工時應將全數兌交。此事全在總管理處核算得人。若能於出納之時。每日每事認真裁節。則每段完工時。所支款目。自不至原估單之鉅。原摺卽就業經借之二百五十萬鎊儘數開支一節。

查現在借款祇二百二十五萬鎊。

原摺今路工尙未及半。而二百五十萬鎊之借款。已將告罄一節。

查四月初二日。總管理處來電。一倫敦存款截至西二月底。存英金六十五萬餘鎊。一盛大臣手存上海通商銀行工程款一百九十萬餘兩。一盛

大臣存上海通商銀行購地款三十七萬餘兩。一存匯豐銀行工程款十四萬餘兩。一存各錢莊購地款四十餘萬兩。

原摺自開工以後。曾否將一切用款。按三箇月開報一次。核准有案一節。

查隨辦鍾道去年十二月接收以後。正月據沈道等將一千九百零四年以前帳冊。共十四本稟送。業經鍾道復核解京。現正委員核覆。尙未及半。應駁之帳。甚多。三月間。沈道等續送一千九百零五年正二三月帳冊。現正派鍾道復核。取其就近易於詢問。尙未解京。再此係盛大臣經手之件。本大臣無所用其迴護。應否先行送部核銷。抑俟本大臣核准之後。乃再報銷。謹候見復。

原摺內稱萬不可再令銀公司出售小票。致以九折虛數。受人盤剝一節。

查此事疊據銀公司代表濮蘭德再三爭辯。曉曉不已。業經曲爲解諭。杜絕其冀幸之私。於四月二十三日。函報大部在案。現在續借款一節。銀公司業已緘默。

原摺就京漢行車餘利項下捐撥銀二百萬兩一節。

查盛大臣二月十五日 奏稱試辦行車。光緒三十年止。除支用外。淨得餘利二百三十七萬餘兩。又三十一年。淨得餘利洋銀三百五十萬餘元等因。查此數年內所有借款利息。全路養路費。督辦大臣比公司公費。洋員薪水。皆攤歸造路成本項下。故行車餘利。覺其甚多。此項餘利。經盛大臣撥充造路支款。將來歸盛大臣報銷。現在造路工程。將次完竣。則所有前項利息費用。均應攤入行車項下支發。今年行車進款。雖較上年增多。惟約計每年所得餘利十分之八。恐不滿百萬兩之數。卽有此數。按照合同。應提出公積金若干。然後攤分餘利。一則公積金備爲意外不測之需。二則公積金愈多。則比公司所攤餘利成數更少。於國家大有利益。且購地款不敷之十萬鎊。倘江蘇紳民籌撥之議不成。亦擬在此項餘利籌付。卽汴洛造路不敷之款。道清行車不敷之款。皆從此項挹注也。

原摺卽於應交官款息銀分年攤扣一節。

官款息銀經函致比公司提取。業將原稿抄呈大部在案。現尙未接比公司復函。竊計此款應得年息三十一萬兩。然此款不付。年息卽歸餘利。就令比公司允諾付息。以十分之八成數按之。實在此款取之中國。國家者二十四萬餘兩。取之比公司者六萬餘兩。所佔利益實在無多。至年息與餘利。皆國家公款。攤扣與否。亦不必計。

原摺務於一年之內。將萍醴招商承辦。卽以官款撥歸滬甯一節。萍鄉煤礦。是盈是虧。無從知悉。有人承辦否。亦無從逆憶。此事應由大部暨戶部酌核主持。

最近調查滬甯鐵路末次估核路工所需的款暨出售小票情形

一現存倫敦英金五十六萬二千二百五十四鎊零。合銀四百九十四萬三千八百八十六兩零。按此款恰敷在倫敦購買行車材料之用。不能提撥來華。

一存中國通商銀行銀一百八十六萬九千一百七十四兩零。按此款結

算至西四月底止。現已將及西七月底。三箇月中。約計支出已七十餘萬兩。

一存匯豐積聚銀行銀一百五十一兩零。按此係紅頭印度人當差存押之款。

一存各處材料等項銀七十六萬五千九百一十兩。按此款已付材料價未經入帳歸結者。

一存匯豐銀行銀一十一萬五千五百四十三兩零。

一存各處留用存款銀七萬六千四百五十一兩零。

以上除倫敦及匯豐積聚各處材料應支付外。西七月底止。約存銀一百三十餘萬。

一據總工程師赴京所呈末次估單。以後尙需工息兩款。八十七萬餘鎊。經總公司在京一再駁議。允減十萬鎊零。茲經鍾隨辦又再四磋商。限以除購地不敷款十萬鎊外。不能逾實數五十萬鎊。總工程師格林森回稱。

如購地不復稽延。採石不致擡價。節節趨做。並無意外之事。或與此數不相上下。

一購地款照現在核計共需實數三十五萬鎊。

一出售小票原訂合同第一款第一條。聲明每百鎊虛數實收九十鎊。利息按虛數五釐週息。又第五款第九條內有云。中國人民願購小票若干。銀公司應照數留與華人小票若干張。照在倫敦者一律章程價值售賣。均照是日鎊價折合等語。銀公司代表人濮蘭德稱現在倫敦票價可售一百零四鎊。曾與力爭總公司可望實收九十六鎊。然問答之詞殊無確據。將來中國人購買此票時。倫敦票價加漲。由彼操縱。事未可知。又第十二款第三條。鐵路每年進款除提付一切費用。暨借款利息外。所贖餘利。當提五分之一。聽銀公司分派。此語毫無邊際。即不能指爲票東必得之數。一除工款尙需實數五十萬鎊外。購地款共需三十五萬鎊。除銀公司代墊外。查購地款本係實數六釐週息。銀公司或借墊或售票。均不能逾此二



十五萬鎊之數


一工款小票牽制諸多。操縱在人。無法補救。即使中國人民自能籌備。亦祇算借助政府之款。於小票無與。仍難收回利權。不如就購地款之三十五萬鎊。全行籌出。或即籌二十五萬鎊。其餘十萬鎊聽公家補足。先將購地一項全數劃回小票。少出一分。便減輕。後來之累得寸則寸。差勝於種種吃虧耳。

按吳閣學原奏。經部議覆。外間始知萍醴鐵路挪用之官款。事前既未奏明。事後亦未核准。此應注意者一。唐侍郎說帖謂購地款不敷之十萬鎊。倘江蘇紳民籌撥之議不成。在此項餘利籌付。此應注意者二。至調查估工單。亦謂蘇省不如就購地款之三十五萬鎊。全行籌出。或即籌二十五萬鎊。其餘十萬鎊由公家補足。將購地一項全數劃回小票。少出一分。便減輕。後來一分之累。倫敦小票現價每百鎊加四鎊實銀。只交九六以三十五萬鎊計之。即吃虧二萬八千鎊矣。再加以借款餘利五分之一。及還款時用錢。每萬鎊之二十五鎊。吃虧甚巨。此應注

意者三。我父老諸鄉先生思之。設不將購地一項劃回。是以五府一州之股東拱手而讓之外人。則此後蘇省鐵路之基礎之氣脉。從何而穩固而貫輸。其失一去。年京外官紳。合詞爭回滬甯鐵路。今若并此二十五萬鎊之地價不爲補牢之計。則人且疑我所爭者爲虛僑。其失二。且劃回之款。公司仍認歲息六釐。以蘇省之大紳商之衆。尋常存息。殷實行號。或僅四五釐。以彼移此。所獲較多。坐此不爲非。惟不知本抑亦不知利。其失三。萍醴挪用之款。部覆並未核准。聞共挪用一百零二萬。以歲息五釐。八年計之。本利當得一百五十萬兩。有奇。視二十五萬鎊相去無幾。其餘蘇省籌足。尙易爲力。繫鈴解鈴。非異人任失之東隅。收之桑榆。固又衆父老諸鄉先生所同聲一致者也。

再查滬甯鐵路原訂合同第七款。載所需各地。總公司於其款項籌足。照實核算。總以不過英金十五萬鎊爲度。又曰所需地價總數。銀公司可以借墊。不得逾英金一十五萬鎊之數。又載總公司或須多買地畝。有逾築路所實需者。總公司儘可照買。以備後用。各地購完。查明共用款項若干。則另續出小票。連此款上文所

言。之。英。金。一。十。五。萬。鎊。合。計。不。逾。英。金。二。十。五。萬。鎊。是。合。同。所。載。購。地。一。項。重。言。申。明。本。祇。十。五。萬。鎊。推。至。極。點。各。地。購。完。亦。不。得。逾。二。十。五。萬。鎊。界。限。至。爲。明。瞭。乃。最。近。調。查。購。地。估。計。需。實。數。三。十。五。萬。鎊。如。此。層。累。而。上。合。同。爲。有。效。力。耶。無。效。力。耶。購。地。爲。總。公。司。之。事。誰。歟。違。背。此。合。同。者。還。以。問。諸。訂。立。合。同。之。人。及。執。行。合。同。辦。事。之。人。後。添。之。十。萬。鎊。我。蘇。省。人。憑。何。承。認。嗚。呼。十。五。萬。鎊。之。不。足。而。二。十。五。萬。鎊。又。無。端。而。三。十。五。萬。鎊。然。則。所。謂。不。得。逾。不。得。逾。者。豈。虛。設。之。範。圍。耶。我。蘇。人。既。飽。受。合。同。內。之。虧。又。欲。飽。受。合。同。外。之。虧。夫。至。於。合。同。外。之。虧。而。可。受。也。則。亦。焉。用。此。合。同。爲。也。籌。濟。之。策。鈎。稽。之。方。凡。百。君。子。幸。希。賜。教。



上海圖書館

上海图书馆藏书



A541 212 0015 23348



5

